



# SELJE KOMMUNE

## Kommunestyret

### Møtebok

**Møtedato:** 11.02.2016

**Møtetid:** Kl. 14:00 – 18:00

**Møtested:** Kommunehuset, 2. etg.

**Saksnr.:** 001/16 - 006/16

---

**Følgjande medlemmer møtte**

KRF: Ordførar Stein Robert Osdal, Raymond Myren.

Ordførar forlet møtet kl.17.15, og etter handsaming av sak 1, 2 og 3/16.

Varaordførar Jan Vidar Smenes tiltrådte som møteleiar i staden for ordførar.

TP: Jan Vidar Smenes, Gunnar Silden, Terje Ødegård, Andreas Rundereim.

FRP: Marita Aarvik, Anfinn Sjøstad, Svein Hansen, Anne Lise Drage.

Anne Lise Drage forlet møtet kl.17.15, og etter handsaming av sak 1, 2 og 3/16.

SP: Gunn Sande, Kjetil Friberg.

UAVH: Veronica Hatlenes.

H: Kenneth Brandal

AP: Åge Lundebrekke

---

**Følgjande medlemmer møtte ikkje**

TP: Judith Kvåle

H: Geir Årvik

Begge hadde gjeve melding om forfall til møtet.

---

**Følgjande varamedlemmer møtte**

TP: Arve-Martin Husevåg (forlet møtet kl. 17.15 - etter handsaming av sak 1, 2 og 3/16.)

H: Kjetil Vethus

---

**Følgjande frå administrasjonen møtte**

Økonomisjef Geir Kvisten og rådmann Ørnulf Lillestøl, som og førte møteboka.

---

**Merknad til innkallinga**

Ingen

---

**Merknad til saklista**

---

Kommunestyret vedtok å handsame fylgjande tilleggssak:

KS 006/16 Rapport kommunens finansforvaltning pr. 31.12.15

Sakene vart handsama etter fylgjande rekkefølge og votering:

Sak 001/16, 002/16, 004/16            17 voterande

Sak 003/16, 005/16, 006/16        14 voterande

Kommunestyret vedtok at KS-møte 25.02.16 går ut og vert erstatta med ny dato.

Etter forslag frå rådmann vert ny møtedato 31.03.16.

## **Følgjande saker vart handsama**

<b>Sak nr.</b>	<b>Sakstittel</b>
001/16	Godkjenning av møtebok
002/16	Referatsaker
003/16	Søknad om tildeling av tomt i Krakereid Bustadfelt - Vederlagsfritt
004/16	Kommunereform - intensjonsavtale Vågsøy, Vanylven og Selje
005/16	Garanti - Tilskot til lokalbåtruter / reiselivsbåtruter Selja
006/16	Rapport kommunens finansforvatning pr. 31.12.15

**Tilleggsaker:** 006/16

**Utskrift protokoll:** Medlemmar, møtande varamedlemmar, biblioteka, abonnentar

**Utskrift møtebok:** Abonnentar, kontrollutvalet, kommunekassa, revisor

**Signatur:** \_\_\_\_\_



# SELJE KOMMUNE

<b>SAKSGANG</b>		
<b>Styre, råd, utval</b>	<b>Møtedato</b>	<b>Saksnr</b>
Kommunestyret	11.02.2016	001/16

<b>Sakshandsamar:</b> Unni Eltvik Hovden	<b>Arkiv:</b> FE-	<b>Arkivsaknr</b> 16/59
---	----------------------	----------------------------

## Godkjenning av møtebok

### TILRÅDING FRÅ ADMINISTRASJONEN:

Møteboka frå møte 14.12.15 vert godkjent slik den ligg føre.

<b>Dok.dato</b>	<b>Tittel</b>	<b>Dok.ID</b>
07.01.2016	Møtebok KS 14.12.15.pdf	72254

### **Handsaming i Kommunestyret - 11.02.2016**

17 voterande

### **KS-001/16 VEDTAK**

Møteboka frå møte 14.12.15 vert godkjent slik den ligg føre.

Samrøystes.



# SELJE KOMMUNE

SAKSGANG		
Styre, råd, utval	Møtedato	Saksnr
Kommunestyret	11.02.2016	002/16

<b>Sakshandsamar:</b> Unni Eltvik Hovden	<b>Arkiv:</b> FE-	<b>Arkivsaknr</b> 16/58
---	----------------------	----------------------------

## Referatsaker

### Refererte skriv og meldingar:

Nr	Dok.ID	T	Dok.dato	Avsender/Mottaker	Tittel
1	16/201	U	14.01.2016	Formannskapet / Kommunestyret	Orientering om overordna planstrategi - Kommuneplan 2016-2020

### Tilleggsreferat:

### TILRÅDING FRÅ ADMINISTRASJONEN

Referatsaker vert tekne til etterretning slik dei ligg føre.

### Handsaming i Kommunestyret - 11.02.2016

17 voterande

### Tilleggsreferat:

- 2.Ordførar: Forslag til høyringsvar – Tannlegestruktur
- 3.Ordførar: Forslag til uttale – Nasjonal helse- og sjukehusplan.
- 4.Overgrepsmottak i Sogn og Fjordane.
- 5.Jan Vidar Smenes: Orientering om møte med Politimester Kåre Songstad.
- 6.Rådmann: Orientering om møte i Nordfjordrådet 01.02.16.
- 7.Gunn Sande: Fv 620 Årsheimstranda.
- 8.Gunn Sande – Spørsmål vedk. toalettanlegg i Hoddevik.
- 9.Gunn Sande – Oppmoding til administrasjonen vedk. svarfristar ved henvendelsar.

## **KS-002/16 VEDTAK**

1.Referatet går ut.

2.Forslag til høyringsvar – Tannlegestruktur vert godkjend slik den ligg føre.

3.Forslag til uttale – Nasjonal helse- og sjukehusplan vert godkjend slik den ligg føre, men med fylgjande endringar:

*Fyrste avsnitt skal lyde:*

Selje kommunestyre går i mot planane om å legge ned akuttkirurgien ved Volda sjukehus.

Kommunestyret viser elles til intensjonsavtale inngått, januar 2012, mellom Helse Midt-Norge RHF og Helse Vest RHF om samarbeid mellom foretaka.

Vår bekymring er særleg retta mot kva konsekvensar dette vil få for fødeavdelinga i Volda.

*Siste avsnitt skal lyde:*

Vi krev derfor om at planene om å legge ned akuttkirurgien i Volda vert lagt bort.

4.Det er ynskje om at det vert utgreia i eiga sak til seinare møte:

Overgrepsmottak i Sogn og Fjordane. Om ansvarsdeling - Mottak for VNR og overgrep.

Teke til etterretning.

5. Teke til vitande.

6. Teke til vitande.

7.Synergigruppa vart oppmoda om å utarbeide argumentasjon for prioritering av vegstrekka i Fylkeskommunen. Alle politiske parti må påverke sine representantar i fylkestinget for å sikre at vegen på Årsheimstranda kjem inn på prioriteringslista ved rullering av regional transportplan. Synergigruppa skal finne argument for utbetring av Fv 620 Årsheimstranda.

8.Spørsmål vedk. toalettanlegg i Hoddevik

Det må informerast betre om at dette er eit offentleg toalettanlegg.

9.Oppmoding til administrasjonen om å svare på henvendelsar innan fristen fastsett i forvaltningslova.

Samrøystes.



# SELJE KOMMUNE

SAKSGANG		
Styre, råd, utval	Møtedato	Saksnr
Formannskapet	07.12.2015	105/15
Kommunestyret	14.12.2015	091/15
Formannskapet	28.01.2016	005/16
Kommunestyret	11.02.2016	003/16

Sakshandsamar	Arkiv	Arkivsak
Merete Nerland	FA-H47	15/251

## Søknad om tildeling av tomt i Krakereid Bustadfelt - Vederlagsfritt

### Dokumentliste

Nr	T	Dok.dato	Avsender/Mottaker	Tittel
6	I	09.11.2015	Gunn Helgesen	Søknad om tomt i Krakereid bustadfelt.

### Vedlegg i saka

Dok.dato	Tittel	Dok.ID
10.11.2015	Situasjonsplan A1.pdf	70674
09.11.2015	Søknad om tomt i Krakereid bustadfelt.	70639
01.12.2015	Føresegner.pdf	71325
01.12.2015	Reg.plan.pdf	71326

### Saka gjeld

Søknad om å få tildelt 3 av tomtene i bustadfelt på Krakereid, vederlagsfritt..

### Opplysningar til saka

Foreldregruppa til 6 born med nedsett funksjonsevne har sida januar 2013 arbeidd med eit prosjekt for å skaffe framtidige bustader til sine born. Dei har i dialog med administrasjonen i Selje kommune sett seg ut tomt 9,10,og 11 i Krakeireid bustadfelt til dette prosjektet. Det er planlagd 6 bueiningar.

Foreldregruppa har brukt mykje tid på planlegging og mykje arbeid står igjen. Sida foreldregruppa skal stå for planlegging og oppføring av bustadane, søker dei Selje kommune om å få tildelt tomtene vederlagsfritt. Borna skal eige tomtene sjølve.

### **Sakshandsamar si vurdering**

Føresegnene til reguleringsplan for bustadfelt på Krakereid §3.1.1, gjev planutvalet (formannskapet) høve til å gje løyve til at fleire tomter kan samanslåast.

Sakshandsamar har ingen motførestillingar mot at tomt 9, 10 og 11 vert slått saman og utnytta som omsøkt. Det viktigaste er at ein held seg innafor reguleringsplan m/føresegnene med omsyn til utnyttingsgrad, antall parkeringsplasser, byggjegranser, byggjehøgde m.m.

### **Prisen for ei 1 mål stor tomt i Krakereid bustadfelt er pr. i dag som følgjer:**

Tomtetekniske anlegg:	210 500,-
Tomtegrunn (54,4 pr m <sup>2</sup> ):	55 550,-
Vegareal:	9 600,-
<b>SUM</b>	<b>275 650,-</b>

Etter at fast dekke blir lagt, så vil kvar tomt få ei rekning på 15 000,-. Dette kjem i tillegg.

Før tomta er oppmålt og nye gards- og bruksnummer tinglyst og overført nye eigarar, så vil tomtekjøpar måtte betale for tinglysing/oppmåling/sakshandsaming (1050,-/16 360,-/1 790,-), dokumentavgift (6 891,-) og tilknytingsgebyr for vatn og kloakk ( 12 500,- + 12 500,-). Formannskapet/kommunestyret har ikkje høve til å gi fritak for betaling av tilknytingsgebyr for vatn og kloakk, men dei har høve til å gjere vedtak om å betale det sjølv.

Det er vanskeleg for sakshandsamar å tilrå i spørsmål om å overdra tomtene vederlagsfritt. På den eine sida er dette totalt sett kostnader/potensielle inntekter til kommunen på oppunder ein million, på den andre sida er det viktig å leggje til rette for at denne type initiativ til dette føremålet vert ivaretatt. Det vil også vere eit poeng å sikre at føremålet dvs brukarane/bebuarane er i ein kategori som vil trengje bistand til bustad og bistand i bustad. Eigarane av einingane har tidlegare ytra ynskje om å eige og disponere bustadene fritt og soleis kunne selje til den dei ynskjer i framtida. Det vil kunne bli problematisk for Selje kommune å «sponse» bustader som kan verte seld på den opne marknaden. Eit vilkår for reduserte tomtekostnader bør då vere ei binding mot å selje fritt, evt ein klausul som inneberer at tomtereduksjon er eit tilskot som må attendebetalt dersom bueininga vert seld utanom målgruppa.

### **Konklusjon**

Søklar kan få løyve til å slå saman tomt 9, 10 og 11 i Krakereid bustadfelt for å byggje 6 bueiningar som omsøkt, under føresetnad av at dei held seg innafor reguleringsplan m/føresegner med omsyn til utnyttingsgrad, antall parkeringsplasser, byggjegrænse og byggjehøgde.

### **Saksgang**

Formannskapet kjem med tilråding til kommunestyret som gjer endeleg vedtak.

### **TILRÅDING FRÅ ADMINISTRASJONEN**

Søklar får løyve til å slå saman tomt 9, 10 og 11 i Krakereid bustadfelt for å byggje 6 bueiningar som omsøkt, under føresetnad av at dei held seg innafor reguleringsplan

m/føresegner med omsyn til utnyttingsgrad, antall parkeringsplasser, byggjehøgde og byggjehøgde.

Søkjjar får tilskot fordelt på kvar bueining/eigar tilsvarande tomtekostnad jmf oppsettet i saksutgreiinga. Dersom bueininga vert seld til andre enn hovudmålgruppa må tilskotet attendebetalast til kommunen. Det vert utferdiga retningslinjer for dette tilskotet som sikrar bruk og evt. attendebetaling av tilskotet.

### **Handsaming i Formannskapet - 07.12.2015**

6 voterande

#### Orientering frå sakshandsamar, dat. 03.12.15:

I tilrådinga skal det stå 7 bueiningar i staden for 6.

Nye opplysningar syner at dette prosjektet er aktuelt for ein person i tillegg til dei 6 nemnde.

#### **Framlegg frå ordførar:**

Formannskapet er positive til tiltaket, men vil utsette saka til neste møte i Formannskapet.

Formannskapet ynskjer synfaring saman med utbyggjar på dei aktuelle tomtene.

#### **Røysting:**

Tilråding frå administrasjonen fekk 0 røyster.

Framlegg frå Formannskapet fekk 6 røyster. Samrøystes.

#### **FS-105/15 FRAMLEGG**

Som framlegg frå Formannskapet.

### **Handsaming i Kommunestyret - 14.12.2015**

Saka vart trekt.

### **Handsaming i Formannskapet - 28.01.2016**

7 voterande

Formannskapet hadde synfaring i Krakereid bustadfelt før saka vart handsama.



**Ny endra tilråding frå administrasjonen:**

Søknad om tildeling av tomt i Krakereid bustadfelt vederlagsfritt, vert innvilga og som definert i eiga avtale.

Søkjer får løyve til å slå saman tomt 9, 10, 11 i Krakereid bustadfelt for å bygge 7 bueiningar som omsøkt under føresetnad av adei held seg innafor reguleringsplan m/føresegner med omsyn til utnytingsgraad, antall parkeringsplasser, byggegrenser og byggehøgde.

Søklar får tilskot fordelt på kvar bueining/eigar tilsvarande tomtekostnad jmf oppsettet i saksutgreiinga. Dersom bueining vert seld til andre enn hovudmålgruppa som er definert i eiga avtale må tilskotet attendebetalast til kommunen. Det vert utferdiga retningslinjer for dette tilskotet som sikrar bruk og evt attendebetaling av tilskotet.

**Røysting:**

Ny endra tilråding frå administrasjonen fekk 7 røyster for. Samrøystes..

**FS-005/16 FRAMLEGG**

Som ny endra tilråding frå administrasjonen.

**Handsaming i Kommunestyret - 11.02.2016**

14 voterande

**Røysting:**

Framlegg frå Formannskapet fekk 14 røyster for. Samrøystes.

**KS-003/16 VEDTAK**

Søknad om tildeling av tomt i Krakereid bustadfelt vederlagsfritt, vert innvilga og som definert i eiga avtale.

Søkjer får løyve til å slå saman tomt 9, 10, 11 i Krakereid bustadfelt for å bygge 7 bueiningar som omsøkt under føresetnad av adei held seg innafor reguleringsplan m/føresegner med omsyn til utnytingsgraad, antall parkeringsplasser, byggegrenser og byggehøgde.

Søklar får tilskot fordelt på kvar bueining/eigar tilsvarande tomtekostnad jmf oppsettet i saksutgreiinga. Dersom bueining vert seld til andre enn hovudmålgruppa som er definert i eiga avtale må tilskotet attendebetalast til kommunen. Det vert utferdiga retningslinjer for dette tilskotet som sikrar bruk og evt attendebetaling av tilskotet.

Samrøystes.

Utskrift til:  
Foreldregrupper v/Gunn Vårdal Helgesen  
Siv.ark. Per Ivar Myklevoll



# SELJE KOMMUNE

<b>SAKSGANG</b>		
<b>Styre, råd, utval</b>	<b>Møtedato</b>	<b>Saksnr</b>
Formannskapet	28.01.2016	004/16
Kommunestyret	11.02.2016	004/16

<b>Sakshandsamar</b> Ørnulf Lillestøl	<b>Arkiv</b> FE-024	<b>Arkivsak</b> 14/342
--	------------------------	---------------------------

## Kommunereform - intensjonsavtale Vågsøy, Vanylven og Selje

### Dokumentliste

<b>Nr</b>	<b>T</b>	<b>Dok.dato</b>	<b>Avsender/Mottaker</b>	<b>Tittel</b>
48	I	16.11.2015	Rådmann Ørnulf Lillestøl	Referat - Møte i styringsgruppa for kommunereform EVS 05.11.15
49	I	17.11.2015	Vågsøy kommune	Innkalling møte i forhandlingsutval for kommunene Eid, Vågsøy, Selje og Vanylven
50	I	27.11.2015	Eli Stølan	Referat frå møte i Kommunereform Eid, Vågsøy, Selje og Vanylven forhandlingsutval 26.11.2015
51	I	30.11.2015	Eli Stølan	Møte i forhandlingsutvalet kommunereform mellom kommunane Eid, Vågsøy, Selje og Vanylven
52	I	04.12.2015	Eli Stølan	Referat prosjektgruppemøte kommunereform EVS 02.12.2015
53	I	09.12.2015	Prosjektleder Eli Mehlum Stølan	Innkalling til møte i forhandlingsutvalet Kommunereform EVS 14.12.2015
54	I	14.12.2015	Vanylven kommune	Kommunereforma - intensjonsavtale med Nordfjordkommunane
55	I	17.12.2015	Eli Mehlum Stølan	Referat forhandlingsutvalet Kommunereform Eid, Vågsøy, Selje og Vanylven kommuner
56	I	18.12.2015	Eid kommune	Kommunereform: Vidare deltaking i kommunereformprosess ytre/midtre - Melding om vedtak
58	U	22.12.2015	Fylkesmannen i Sogn og Fjordane	Kommunereforma og fylkestilhøyrihet
57	U	05.01.2016	Lokal styringsgruppe Kommunereform	Møte i lokal styringsgruppe Kommunereform 06.01.16

59	I	05.01.2016	Rådmann	Utkast til kommunereformrapport del 1 - Samanslåing av Vågsøy, Selje og Vanylven
61	I	15.01.2016	Eli Stølan	Intensjonsavtale og prosjektdokument
63	I	17.01.2016	Eli Stølan	Referat frå møte i forhandlingsutvalet for kommunane Vågsøy, Selje og Vanylven 07.01.2016
62	I	17.01.2016	Eli Stølan	Referat møte i styringsgruppa for kommunesamanslåing for kommunane Vågsøy, Selje og Vanylven 06.01.2016
64	I	18.01.2016	Vanylven Kommune	Melding om vedtak

### Vedlegg i saka

Dok.dato	Tittel	Dok.ID
15.01.2016	Kommunereformrapport versjon 13.01.2016. Utgreiing.pdf	72454
15.01.2016	Intensjonsavtale mellom kommunane Vågsøy Selje og Vanylven (v 13012016).pdf	72453
15.01.2016	Tenestefordeling - vedlegg i sak.docx	72452

### Saka gjeld

Selje kommune har i 2015 drøfta og forhandla med nabokommunane Eid og Vågsøy om muleg kommunesamanslåing. Etter klare tilbakemeldingar frå kommunestyret og lokal styringsgruppe har administrasjonen og ordførar gjort forsøk på å også trekkje inn kommunar nordover med i drøftingane.

I haust har Vanylven etter kvart ytra ynskje om å delta og vart frå november deltakar i sjølve forhandlingane. Eid kommune trekte seg frå forhandlingane i desember hovudsakleg pga usemje om spørsmål om plassering av kommunesenter.

Kommunane Vågsøy, Vanylven og Selje har no framforhandla ein intensjonsavtale for endra kommunestruktur.

### Opplysningar til saka

Vedlagt intensjonsavtale gjev retning og føringar for det vidare arbeidet. Som navnet tilseier er dette ein avtale som uttrykkjer semje om ynskta mål for prosessen fram til ny kommune er etablert frå 01.01. 2020 og kva vi ynskjer å oppnå med endra kommunestruktur.

Som ein ser er ein del av spørsmåla avklart som kvar kommunesenteret skal vere, namn på kommune samt føringar for det vidare utgreiingsarbeidet. Rådmennene har saman med leiargruppene i kommunane drøfta spørsmål om funksjonsdeling mellom kommunesenter og kommunedelsenter (Fiskå og Selje) Det er fastsett nokre prinsipp som fylgjer i eige notat. Det viktigaste er å sikre at dei tenestene innbyggjarane treng å ha nært vert ytt desentralisert og at antal arbeidsplassar som ny kommune må ha i sentrale einingar ikkje i for stor grad vert sentralisert og derved tappar noverande kommunar for arbeidsplassar. Denne avveginga sett i samband med openbare behov for å rasjonalisere og effektivisere vil vere overlatt til Fellesnemda (jmf eigen lov) og ein ny prosjektorganisasjon å greie ut.

### Framdrift

Forhandlingsutvalet samansett frå dei tre kommunane har no framforhandla vedlagt

intensjonsavtale. Denne skal no til politisk handsaming. Dersom desse vert vedteke i kommunane har Vågsøy og Vanylven fastsett at dei kjem til å gjennomføre ei rådgjevande folkerøysting. Dato for denne er ikkje heilt fastsett, men vil verte gjennomført i midten av april. Tidspunktet må koordinerast mellom kommunane.

## **Folkerøysting**

Rådmannen legg til grunn at det må avhaldast rådgjevande folkerøysting også Selje. Det er ikkje knytt særskilte lovbestemmelsar til denne type røysting slik at kommunen sjølv vel framgangsmåte.

### - Dato og tid for røystinga

Som nemnt må denne koordinerast mellom kommunane. Dersom det er nokre dagar mellom røystinga i kommunane må det sikrast felles offentleggjering av resultatane. Røystedag vert sett til veke 15 eller 16. Det må sikrast høve til å røyste i føregåande helg for pendlarar, studentar og andre som ikkje kan møte på sjølve valdagen.

### - Røysterettsalder

Dette er drøfta mellom kommunane. Tema som det vert røysta over er framtid dvs som får ein realitet frå 01.01. 2020. Det er arbeida med informasjon og involvering i ungdomsråd og på skulane slik at det vert tilrådd aldersgrense på 16 år.

### - Røystetema (det som skal stå på røystesetlane)

Det er lagt opp til to tema. Om Selje kommune skal halde fram som eigen kommune eller slå seg saman med Vågsøy og Vanylven, og om den nye kommunen skal inngå i Møre og Romsdal fylke eller vere del av Sogn og Fjordane.

### - Retningslinjer for røystinga

Det vert gjort framlegg om fylgjande retningslinjer:

1. Det skal vere to røystingar, ei gjeld tilhøyr til fylke og ei gjeld kommunestruktur. Dei ulike røystingane vil ha ulik farge på røystesetlane. Alle røystesetlar vert lagt i same urne.
2. Dei som har røysterett er personar med røysterett busette i kommunen pr. 01.01.2016. Valkort vert ikkje nytta. Manntalet vert ikkje lagt ut.
3. Røystinga på røystedatoen går føre seg i dei ordinære val-lokala til kommunen mellom klokka 1000 og klokka 1800. Reglane i vallova gjeld for ordningane i val-lokalet.
4. Førehandsrøysting går føre seg ved frammøte på kommunehuset i tidsrommet ..... i kommunen si opningstid, på Selje sjukeheim den dd.mm.åå klokka, Stadlandet eldretun dd.mm.åå klokka og Flatraket eldretun dd.mm.åå klokka.  
Det vert i tillegg førehandsrøysting på Coop Selje, Bunnpris Stad, Joker Flatraket, og Joker Stadlandet laurdag den dd.mm.åå mellom klokka
5. Røystestyra skal telje røystesetlane ved dei to røystingane og kontrollere tal kryss i manntalet mot tal avgjevne røyster.
6. Finteljing av innhaldet i urnene skal gå føre seg på kommunehuset i Selje.
7. Resultatet vert publisert samla når Vågsøy og Vanylven har halde sine folkerøystingar.

### - Publisering av resultatet

Dette vert gjort gjennom kommunen si heimeside og ved informasjon til lokalavisene

Rådmannen må ha delegert mynde til å ta stilling til praktiske ordningar rundt avvikling av røystinga.

- Utarbeiding og distribusjon av informasjonsmateriell
- Endeleg utforming av røystesetlar
- Organisering av oppteljinga og publisering av resultatet
- Samarbeid med Vågsøy og Vanylven kommunar

### **Vidare saksgang**

Etter folkerøystinga er gjennomført startar rådmannen å utarbeide endeleg sak til kommunestyrehandsaming 23. juni. Det skal då takast stilling til om Selje kommune skal slå seg saman med Vanylven og Vågsøy kommune og fylkestilknytning. Vedtaka vert sendt Fylkesmannen som samordnar, tilrår og vidaresender til departementet. Stortinget vedtek evt endring i kommunestruktur og fylkestilknytning i 2017. Mellom kommunestyrevedtak og stortingsvedtak vil eksisterande forhandlingsutval arbeide vidare med intensjon.

Etter Inndelingslova vil det då verte etablert ei fellesnemnd som skal lede utgreiinga fram mot etablering 01.01.2020. Det skal tilsetjast ein prosjektleiar og i den grad dette er drøfta i forhandlingsutvalet så langt, er det semje om at prosjektleiar også vil inneha rolla som rådmann i den nye kommunen.

### **Lover/regelverk**

### **Finansiering**

#### **Sakshandsamar si vurdering**

Rådmannen vil i eigen sak skissere alternativ til endra kommunestruktur. For Selje sin del konkluderer rådmannen med ei klar tilråding om å arbeide vidare med føremål om å slå saman kommunane Selje, Vågsøy og Vanylven. Grovt sett er fylgjande argument og utfordringar vektlagt.

- Demografi.  
Om vi ser på befolkningsutviklinga i Selje dei næraste åra, så aukar antal eldre relativt sterkt medan antal barn og unge vert redusert. Som eigen kommune er vi sårbar både økonomisk og kompetansemessig. Det vil krevje ein vridning av bruk av dei økonomiske rammene frå skule og barnehage til helse og eldreomsorg. Krava til kompetanse innanfor helse og omsorg er sterkt aukande. Vi må rekruttere kompetanse innanfor ei rekkje områder som psykisk helse, rus, geriatri, rehabilitering i tillegg til fleire «hender». Noko av dette kan kompenseras med velferdsteknologi, men vil uansett vere krevjande dersom Selje vel å stå aleine.
- Utviklingsarbeid  
Selje har redusert kraftig på ressursar til næringsutvikling og samfunnsutvikling elles. Dette er fundamentet for å sikre velferd og tenester og dette er verkemiddelet for å snu og påverke befolkningsutvikling. Som eigen kommune vil vi ha begrensa ressursar til å satse innan dette området.
- Effektivisering og drift  
Som relativt liten kommune har vi like mange spesialoppgåver som større kommunar. Vi skal drive eigedomskattekontor, arealplanlegging, ikt drift, vi skal handsame krevjande saker med behov for juridisk kompetanse som andre. Som generalistkommune vert vi stadig utfordra på desse områda og fleire og auka

forventningar kjem fortløpande. Dette må vi gjere med tilsette som har oppgåvene som ein del av si stilling. Som større kommune kan vi tilsetje fagpersonar som er dedikert, som har frekvens i saker og som då kan utvikle kompetanse.

- Statlege overføringar

Sjølv om dette området ikkje er endeleg klarlagt er signala tydelege. Mindre kommunar får mindre overføringar enn i dag. Sett i samanheng med auka krav og forventningar og demografiutvikling gjev dette ein konklusjon om å etablere større einingar.

Det vert presisert at vedlagt intensjonsavtale og vedlegg om funksjonsdeling er intensjonar. Mykje av desse spørsmåla også inkludert konsekvensar ved å skifte fylke må verte nærare utgreidd i perioden fram mot 01.01.2020. Det foregår for eksempel ein regionreform som også skal ta stilling til regulering av fylkesgrensene, inndeling av helseregionar vil verte gjenstand for vurdering samt krav til kompetanse og overføring av oppgåver til kommunane. I vedlegga er det ikkje endeleg fastlagt strukturar, men avtale og vedlegg gjev uttrykk for ei retning for vidare utgreiingsarbeid.

### **Konklusjon**

Rådmannen tilrår Selje kommunestyre å vedta vedlagt intensjonsavtale slik den ligg føre. Vidare vert det tilrådd at det vert gjennomført rådgjevande folkerøysting etter dei retningslinjene som framkjem av saksutgreiinga.

### **TILRÅDING FRÅ ADMINISTRASJONEN**

Selje kommunestyre vedtek vedlagt intensjonsavtale som har som føremål at kommunane Selje, Vågsøy og Vanylven vert slått saman til ein ny kommune frå 01.01.2020.

Selje kommunestyre vedtek å gjennomføre ei rådgjevande folkerøysting der innbyggjarane tek stilling til spørsmål om samanslåing og spørsmål om fylkestilknytning. Folkerøystinga fylgjer dei retningslinjene som framkjem av saksutgreiinga.

### **Handsaming i Formannskapet - 28.01.2016**

7 voterande

### **Framlegg frå SP:**

Selje kommunestyre vedtek å gjennomføre ei rådgjevande folkerøysting der innbyggjarane tek stilling til spørsmål om samanslåing og spørsmål om fylkestilknytning. Folkerøystinga fylgjer dei retningslinjene som framkjem av saksutgreiinga.

### **Ny samla tilråding frå rådmann:**

Selje kommunestyre vedtek vedlagt intensjonsavtale som har som føremål at kommunane Selje, Vågsøy og Vanylven vert slått saman til ei ny kommune frå 01.01.2020 (som framlegg frå rådmannen)

Rådmannen endra sitt framlegg i 2. avsnitt til :

Spørsmål om folkerøysting vert utgreidd til kommunestyrehandsaming 11.02.16.

Nytt punkt:

Mindre endringar av ikkje prinsipiell karakter i intensjonsavtalen vert delegert til Formannskapet.

### **Røysting:**

Framlegg frå SP fekk 1 røyst for.

Ny samla tilråding frå rådmann fekk 6 røyster for og 1 røyst mot.

### **FS-004/16 FRAMLEGG**

Selje kommunestyre vedtek vedlagt intensjonsavtale som har som føremål at kommunane Selje, Vågsøy og Vanylven vert slått saman til ei ny kommune frå 01.01.2020.

Spørsmål om folkerøysting vert utgreidd til kommunestyrehandsaming 11.02.16.

Mindre endringar av ikkje prinsipiell karakter i intensjonsavtalen vert delegert til Formannskapet.

### **Handsaming i Kommunestyret - 11.02.2016**

17 voterande

Rådmann gjekk gjennom utgreiing av spørsmål om folkerøysting og opinionsundersøking. Rådmann fremja endra tilråding (Framlegg frå Formannskapet) på dette punktet og samla ny tilråding vert som fylgjer, datert 11.02.16:

Rådmann orienterte om at evt. folkeavrøysting vert gjennomført 25. april.

### **Endra tilråding frå rådmann, dat. 11.02.16:**

Pkt. 1

Selje kommunestyre vedtek vedlagt intensjonsavtale som har som føremål at kommunane Selje, Vågsøy og Vanylven vert slått saman til ei ny kommune frå 01.01.2020.

Pkt. 2.

a) Kommunestyret vedtek å gjennomføre ei opinionsundersøking for å kartleggje innbyggjarane sitt syn på kommunesamanslåing.



b) Formannskapet gjennomgår 17. mars, utkast til spørsmål som skal nyttast ved undersøkinga.

c) Undersøkinga vert gjennomført i perioden 18. – 25. april.

Pkt.3.

Mindre endringar av ikkje prinsipiell karakter i intensjonsavtalen vert delegert til Formannskapet.

### **1. Framlegg frå SP:**

Tidspunkt for bestemmelse om kommunesamanslåing (folkerøysting) skal utsetjast til etter Stortingets behandling av inntektssystemet juni 2016.

### **2.Framlegg frå SP:**

Konsekvensutgreiing av fylkestilhøringhet må føreligge FØR folkerøysting.

### **3.Framlegg frå SP, FRP, KRF:**

Selje kommunestyre vedtek å gjennomføre ei rådgjevande folkerøysting der innbyggjarane tek stilling til spørsmål om samanslåing og spørsmål om fylkestilknytning. Folkerøystinga fylgjer dei retningslinjene som framkjem av saksutgreiinga.

Formannskapet fungerer som valnemnd.

### **4.Framlegg frå SP:**

Retningslinjer for røysting under punkt 6 - Framlegg til endring/tilføyning: Finteljing av innhaldet i urnene skal gå føre seg på kommunehuset i Selje.

Tillegg: ..og formannskapet fungerer som valnemnd.

### **5.Framlegg frå FRP, H:**

Andre intensjonsavtaler blir å handsame tilsvarende om slike avtaler blir framforhandla.

### **6.Framlegg frå FRP, H:**

Formannskapet får fullmakt til å justere avtalen.

### **Røystinga føregjekk i fylgjande rekkefølge:**

1.Framlegg frå SP fekk 2 røyster for og 15 mot.

2.Framlegg frå SP fekk 3 røyster for og 14 mot.

Ny tilråding frå rådmann, dat. 11.02.16 - pkt. 1 fekk 17 røyster for.

Samrøystes

3. Framlegg frå SP, FRP, KRF fekk 14 røyster for.  
Ny tilråding frå rådmann, dat. 11.02.16 - pkt. 2 fekk 3 røyster for.

4. Framlegg frå SP fekk 2 røyster for og 15 mot.

5. Framlegg frå FRP, H fekk 10 røyster for og 7 mot.

6. Framlegg frå FRP, H fekk 11 røyster for.  
Ny tilråding frå rådmann, dat. 11.02.16 - pkt. 3 fekk 6 røyster for.

### **KS-004/16 VEDTAK**

Pkt. 1

Selje kommunestyre vedtek vedlagt intensjonsavtale som har som føremål at kommunane Selje, Vågsøy og Vanylven vert slått saman til ei ny kommune frå 01.01.2020.

Pkt 2.

Selje kommunestyre vedtek å gjennomføre ei rådgjevande folkerøysting der innbyggjarane tek stilling til spørsmål om samanslåing og spørsmål om fylkestilknytning.  
Folkerøystinga fylgjer dei retningslinjene som framkjem av saksutgreiinga.  
Formannskapet fungerer som valnemnd.

Pkt. 3

Andre intensjonsavtaler blir å handsame tilsvarande om slike avtaler blir framforhandla.

Pkt. 4

Formannskapet får fullmakt til å justere avtalen.

Utskrift til:

Vågsøy kommune

Vanylven kommune

Fylkesmannen i Sogn og Fjordane



# SELJE KOMMUNE

**Ikkje offentleg**

<b>SAKSGANG</b>		
<b>Styre, råd, utval</b>	<b>Møtedato</b>	<b>Saksnr</b>
Formannskapet	28.01.2016	007/16
Kommunestyret	11.02.2016	005/16

<b>Sakshandsamar</b> Reidar Sandviknes	<b>Arkiv</b> FA-N00	<b>Arkivsak</b> 14/19
---	------------------------	--------------------------

**Garanti - Tilskot til lokalbåtruter / reiselivsbastruter Selja**



# SELJE KOMMUNE

<b>SAKSGANG</b>		
<b>Styre, råd, utval</b>	<b>Møtedato</b>	<b>Saksnr</b>
Formannskapet	28.01.2016	008/16
Kommunestyret	11.02.2016	006/16

<b>Sakshandsamar</b> Geir Kvisten	<b>Arkiv</b> FE-250	<b>Arkivsak</b> 14/571
--------------------------------------	------------------------	---------------------------

## Rapport kommunens finansforvaltning pr. 31.12.15

### Vedlegg i saka

<b>Dok.dato</b>	<b>Tittel</b>	<b>Dok.ID</b>
25.01.2016	Rapport finansforvaltningen pr. 31.12.15.pdf	72647

### Saka gjeld

I henhold til kommunens finansreglement skal status for kommunens finansforvaltning rapporteres ved hvert tertial.

Vedlagt følger rapport over kommunens finansforvaltning pr. 31.12.2015.

### Saksgang

Endelig vedtak i kommunestyret.

### TILRÅDING FRÅ ADMINISTRASJONEN

Rapport om kommunens finansforvaltning pr. 31.12.2015 vedtas til orientering.

### Handsaming i Formannskapet - 28.01.2016

7 voterande

### Røysting:

Tilråding frå administrasjonen vart samrøystes vedteke.

### FS-008/16 FRAMLEGG

Som tilrådinga frå administrasjonen.

**Handsaming i Kommunestyret - 11.02.2016**

14 voterande

**Røysting:**

Framlegg frå Formannskapet fekk 14. røyster for. Samrøystes.

**KS-006/16 VEDTAK**

Rapport om kommunens finansforvaltning pr. 31.12.2015 vedtas til orientering.

Samrøystes.

Utskrift til:

Revisor

